

Hordaland Fylkeskommune  
Postboks 7900  
5020 Bergen

ATT: Trond Wahl

Ugradert

Deres ref: 201005031-  
2/313/TRØWAH  
Vår ref: 2010/101343  
Dato: 14.12.2010  
Org.nr: 985 399 077

HORDALAND FYLKESKOMMUNE

Saknr. 201005031 Dok.nr. 7

20 DES. 2010

Arkivnr. 313

Saksh. TRØWA

Statens tilsyn for planter, fisk, dyr og næringsmidler

Mattilsynet

## SKJÆRGÅRDSFISK AS, 11665 JIBBERSHOLMANE – LØYVE TIL Å AUKA MTB MED 1560 TONN TIL TOTALT 2840 TONN.

Viser til søknad frå Skjærgårdsfisk AS datert 11.05.2010 og oversendt frå Hordaland Fylkeskommune til Mattilsynet den 26. mai 2010. Søknaden gjeld løyve til å auke den tillatne biomassen med 1560 tonn MTB til 2840 tonn MTB på eksisterande lokalitet 11665 Jibbersholmene i Radøy kommune.

Søknaden er vurdert i høve til *Forskrift nr 823 av 17. juni 2008 om etablering og utvidelse av akvakulturanlegg, zoobutikker m.m.* (Forskrift om utviding av akvakulturanlegg mv). Dette er ei relativt ny forskrift som trådte i kraft 1. august i 2008. Den viktigaste endringa i den nye forskrifta, er at fiskevelferd også skal vurderast, i tillegg til fiskehelse, ved godkjenning og utviding av akvakulturanlegg.

### Bakgrunn

Føremålet med forskrifta er å fremja god helse hjå akvatiske dyr og å ta vare på god velferd hjå fisk. God dyrehelse vert oppnådd mellom anna ved å førebyggja, overvåke og kjempa mot smittsam sjukdom hjå fisk og andre akvatiske dyr. Plassering av eit akvakulturanlegg i høve til andre verksemdar og det omliggjande miljøet er avgjerande for førebyggjing, avgrensing og utrydding av smittsam sjukdom. Produksjonsomfang, biomasse med fisk på anlegget spelar også ei rolle for sjukdomsstoda og evt. smittefare i gjeldande område.

Utviding må ikkje innebera uakseptabel risiko for spreiding av smitte, herunder smitte inn til akvakulturanlegget og det omkringliggjande miljøet. I vurdering av smittefaren skal det leggjast særleg vekt på avstand til vassdrag, anna akvakulturrelatert verksemd og til grupper av akvakulturanlegg. Det skal også leggjast vekt på kva for ein art som skal produserast, driftsform og produksjonsomfang.

## FISKEVELFERD

### Avstand til anna relevant aktivitet.

Ved vurdering av smittefare skal det leggast særleg vekt på avstand til anna akvakulturrelatert verksemd.

### **Oppdrett i området innan 2,5 km i sjø:**

Ingen.

### **Oppdrett i området innan 5 km i sjø:**

Avstand	LOKALITET / Eigar	Lokalitets-nr.	Type	Art	Kommune
3,0 km	<b>BØØY</b> / Sameigd av Skjærgårdsfisk AS og Blom Fiskeoppdrett AS	11754	Matfisk	Laksefisk	Radøy
3,2 km	<b>ALLERSHOLMEN</b> / Blom Fiskeoppdrett AS	11756	Matfisk	Laksefisk	Radøy
4,1 km	<b>RAMSVIK N</b> / Blom Fiskeoppdrett AS	11742	Matfisk	Laksefisk	Radøy

Lokaliteten imøtekjem dermed dei tilrådde minsteavstandane oppgjeve i veileiaren til *etableringsforskrifta*.

### Miljøtilhøva på lokaliteten

Vedlagt søknaden frå Skjærgårdsfisk er resipientundersøkinga av Frode Haveland, datert 30.04.2010. Haveland skriv at "det blei ikkje påvist oksygensvikt, gassbobling, lukt av hydrogensulfid eller misfarging av sedimenta i nokon av grabbprøvene." Då resipientgranskinga vart utført 14 dagar etter utslakting, er desse resultatane svært bra og truleg vil minska risikoen for dårleg fiskehelse og velferd forårsaka av vasskvaliteten. Spesielt kan nemnast at det ikkje var utslepp av den svært giftige gassen hydrogensulfid som vanlegvis er resultat av ein overbelasta lokalitet og resulterande hophoping av organisk materiale.

Oksygenmålingar derimot, ville ikkje vera så høge med fisk i merdane på måletidspunktet, men det bra driftsresultatet tyder i alle fall på at fisken ikkje har vore stressa av surstoffmangel. Dødelegheita inntil slaktingtidspunktet for den siste produksjonssyklusen var 2,7 %, noko som Mattilsynet vurderar som eit bra resultat med omsyn til fiskehelse og velferd ved lokaliteten Jibbersholmene.

I produksjonanalysen ved siste slakting, datert 30. april 2010, vart majoriteten av fisken klassifisert som superior kvalitet. Det var ein del produksjonsfisk, men dette skuldast fisk med deformitetar. I fylgje *Røntgenrapport* frå Nofima for prøvar mottekne 28. januar 2010, var desse skadane relativt gamle og stammer frå når fisken var liten, dvs. i tidleg utviklingsstadium.

## VEDTAK

Med heimel i *Forskrift nr 823 av 17. juni 2008 om etablering og utvidelse av akvakulturanlegg, zoobutikker m.m. § 5*, gjev Mattilsynet, Distriktskontoret for Bergen og omland, Skjærgårdsfisk AS løyve til å auke tillat MTB med 1560 tonn til totalt 2840 tonn på lokaliteten 11665 Jibbersholmane:

**Selskap** : Skjærgårdsfisk AS

**Adresse** : P.b. 23, 5931 Manger

**Konsesjonsnr.** : H R0001, H R0017

**Art(er)** : Laks (*Salmo salar*) og Regnbogeaure (*Oncorhynchus mykiss*)

**Type oppdrett/anlegg** : Plastringar

**Lokalitet/- nr.** : Jibbersholmane / 11665

**Lokalitetsplassering** : Radøy kommune, Hoplandsosen

**Maksimalt tillat biomasse** : 2.840 tonn

Den som får løyve etter ovannemnte forskrift må sjølv ta evt. tap ved iverksetjing av tiltak med heimel i *Lov nr 124 av 19. desember om matproduksjon og mattrygghet m.v. (matloven)* jf § 22.


Brot på aktuelle lovar og forskrifter, eller samsvar med disse, kan føre til tvangstiltak, tvangsmulkt eller straff, jf *Lov om matproduksjon og mattrygghet mv.*, §§ 24, 25, 26 og 28.


Vi ber Hordaland Fylkeskommune om å gjennomføra vedtaket i samband med sakshandsaminga av saka etter *Lov om akvakultur (akvakulturloven)* av 17. juni 2005.

**Løyve frå Mattilsynet, Distriktskontoret for Bergen og omland, er ikkje gyldig før Hordaland Fylkeskommune har gjeve endeleg løyve til den omsøkte aukinga av biomasse.**

Vedtaket kan påklagast av søkjaren innan tre veker etter at endeleg avgjerd er motteke frå Hordaland Fylkeskommune.

Med helsing

  
Ase Ellen Bech  
Seksjonssjef

  
Janet L.W. Bakke  
Førsteinspektør

Kopi m/vedlegg til:  
Kopi til:  
Vedlegg:

Skjærgårdsfisk AS  
Mattilsynets regionkontor for Hordaland, Sogn og Fjordane  
Klageskjema